

Na osnovu člana 24. Zakona o državnoj službi u Federaciji Bosne i Hercegovine («Službene novine Federacije BiH», broj: 29/03, 23/04, 39/04, 54/04, 67/05, 8/06 i 4/12), a na zahtjev Federalnog ministarstva pravde, Agencija za državnu službu Federacije BiH, objavljuje

JAVNI KONKURS
za popunu radnih mjesta državnih službenika
u Federalnom ministarstvu pravde

6 / 1122

- 01. Federalni inspektor za izvršenje kaznenih sankcija u Sektoru za izvršenje kaznenih sankcija – 1 (jedan) izvršitelj**
- 02. Stručni suradnik za postupke izvršenja kaznenih sankcija u Sektoru za izvršenje kaznenih sankcija – 1 (jedan) izvršitelj**
- 03. Stručni suradnik za računovodstveno – financijske poslove u Službi za financijske i računovodstvene poslove – 1 (jedan) izvršitelj**

01.Opis poslova: vršenje nadzora nad ostvarivanjem procesa preodgoja osuđenih osoba; obavlja poslove nadzora nad primjenom propisa koji se tiču provođenja procesa preodgoja osuđenih osoba; nadzire zakonitost prijema i otpusta osuđenih osoba; korištenje mogućnosti sukladno utvrđenim načelima i kriterijima korištenja određenih prava na temelju rada; zdravstvene zaštite; procesa obrazovanja; nadzire rad prijamno-otpusnih Odjela i poduzima mjere za poboljšanje programa postupanja; sudjeluje u izradi kriterijuma za klasifikaciju i reklasifikaciju osuđenih osoba; ostvaruje neposredan razgovor s osuđenim i drugim osobama prilikom inspekcijskog nadzora; predlaže program stručnog osposobljavanja i sudjeluje u sprovođenju stručne obuke uposlenih u preodgojnoj službi; sudjeluje u predlaganju i izradi zakonskih i drugih propisa iz oblasti izvršenja; sudjeluje u strateškom planiranju u svezi razvoja i unapređenja sustava izvršenja kaznenih sankcija (zatvorskog sustava); vrši nadzor da li u ustanovi ima osoba koje ne bi trebalo da se nalaze na izdržavanju kazne, da li se sve osobe nalaze na izdržavanju kazne, da li su smještaj i ishrana osuđenih osoba sukladni propisima donesenim na temelju zakona, da li se hrana priprema u zadovoljavajućim higijenskim uvjetima, da li je osuđenim osobama omogućen rad sukladno propisima, da li je organizirana zdravstvena zaštita i da li je osuđenim osobama omogućeno korištenje svih ostalih prava koja su im omogućena zakonom i drugim propisima i obavlja i druge poslove koje mu odredi rukovoditelj Sektora.

Pripadajuća osnovna neto plaća 1.710,95 KM

02.Opis poslova: sudjeluje u izradi prednacrta i nacрта zakona, drugih propisa i općih akata; obavlja stručne poslove u postupku izvršenja kaznenih sankcija koji se odnose na izradu rješenja o premještanju osuđenih osoba, izradu suglasnosti o obavljanju razgovora sa osuđenim osobama, vrši prikupljanje, sređivanje i obradu podataka za rješavanje predmeta po žalbama na rad kazneno - popravnih zavoda; pruža pravnu pomoć kazneno – popravnim zavodima, vrši obradu i evidenciju predmeta po vrsti; izrađuje jednostavnije izvještaje o stanju u zavodima;

obavlja stručne poslove u postupku izvršenja krivičnih sankcija koji se odnose na kućni pritvor sa elektronskim nadzorom, koordinaciju sa kantonima u pogledu realizacije alternativne sankcije rad za opće dobro, vrši prikupljanje, sređivanje, obradu i analizu podataka vezanih za elektronski nadzor i rad za opće dobro u svim segmentima, kao i suradnju sa ostalim institucijama uključenim u navedeni projekat (policija, sud, centri za socijalni rad, zavodi, kantonalna ministarstva); izrađuje jednostavnije izvještaje o elektronskom nadzoru i radu za opće dobro; vrši koordinaciju sa zavodima vezano za obuku zavodskog osoblja i pripremu za obuku, te vrši i druge poslove koje mu odredi rukovoditelj Sektora.

Pripadajuća osnovna neto plaća 1.165,50 KM

03.Opis poslova: sudjeluje u izradi prijedloga Proračuna za Ministarstvo i kazneno-popravne zavode i surađuje s Federalnim ministarstvom financija vezano za osiguranje potrebnih sredstava za rad Ministarstva i kazneno-popravnih zavoda u Proračunu Federacije BiH; sudjeluje u izradi procedura iz nadležnosti Službe; sudjeluje u izradi finansijskih planova za potrebe Ministarstva i kazneno-popravnih zavoda; sudjeluje u izradi izvješća, analiza, informacija i drugih materijala o pitanjima iz nadležnosti Službe - sudjeluje u analizi periodičnih i finansijskih izvješća; sudjeluje u pripremi izrade godišnjeg obračuna za Ministarstvo i zbirnog za kazneno-popravne zavode; sudjeluje u provođenju postupka javnih nabavki; te vrši druge poslove koje mu odredi rukovoditelj Službe.

Pripadajuća osnovna neto plaća 1.165,50 KM

Uslovi: Pored opštih uslova predviđenih članom 25. Zakona o državnoj službi u Federaciji Bosne i Hercegovine, kandidati trebaju ispunjavati i slijedeće posebne uslove utvrđene Pravilnikom o unutrašnjoj organizaciji i to:

Za poziciju 01:

- VSS - VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja - pravne struke ili filozofski fakultet - odsjek pedagogija ili psihologija,
- najmanje 3 (tri) godine radnog staža u struci, nakon sticanja visoke stručne spreme,
- poznavanje rada na računaru

Za poziciju 02:

- VSS - VII stepen stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja, diploma visokog obrazovanja - pravne struke ili fakultet kriminalističkih nauka,
- 1 (jedna) godina radnog staža u struci, nakon sticanja visoke stručne spreme,
- poznavanje rada na računaru

Za poziciju 03:

- VSS - VII stepen stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja, ekonomski fakultet,
- 1 (jedna) godina radnog staža u struci, nakon sticanja visoke stručne spreme,
- poznavanje rada na računaru

Prijavljivanje na konkurs:

1. Kandidati se prijavljuju na konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme (original ili ovjerena kopija), na propisanom Obrascu uvjerenja (može se preuzeti u prostorijama Odjeljenja Agencije za Kanton Sarajevo i Bosansko-podrinjski Kanton Goražde, ili na web stranici Agencije www.adsfbih.gov.ba) obrasca Agencije za državnu službu Federacije BiH (može se preuzeti u prostorijama Odjeljenja

Agencije za Kanton Sarajevo i Bosansko-podrinjski Kanton Goražde ili na web stranici Agencije www.adsfbih.gov.ba.

3. Kandidati za radno mjesto stručni saradnik (pozicija 2 i 3.) koji obavljaju poslove namještenika u organu državne službe i koji su stekli VII stepen stručne spreme ili visoko obrazovanje najmanje I ciklusa Bolonjskog sistema studiranja koji se vrednuje sa 180 ECTS bodova, dužni su dostaviti i:
 - a) fakultetsku diplomu (nostrificirana diploma, ukoliko fakultet nije završen u Bosni Hercegovini ili je diploma stečena u nekoj od država nastaloj raspadom SFRJ nakon 06.04.1992.godine),
 - b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe, nakon položenog stručnog ispita za namještenika izdati nakon objave javnog konkursa
 - c) dokaz o položenom stručnom ispitu za namještenika.

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.adsfbih.gov.ba. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidati koji ne polože ispit općeg znanja ili pismeni dio stručnog ispita gube pravo na učešće u daljoj konkursnoj proceduri o čemu se, prilikom saopćavanja rezultata na ispitu općeg znanja pisano informišu, a nakon pismenog dijela stručnog ispita usmeno se informišu o postignutim rezultatima. Kandidati imaju pravo uvida u rezultate koje su postigli na ispitu.

Kandidati koji su uspješno položili stručni ispit (pismeni i intervju) a ne dostave Agenciji validne dokaze (original ili ovjerene kopije) o ispunjavanju posebnih uslova javnog konkursa, u roku od pet dana, od dana održavanja stručnog ispita odnosno usmenog obavještenja o rezultatima koje su postigli, neće biti uvršteni na Listu uspješnih kandidata. Agencija za državnu službu Federacije BiH objavljuje rezultate stručnog ispita, na propisanom obrascu, na oglasnoj ploči Agencije.

Izabrani kandidat, koji u roku od sedam dana od dana prijema obavještenja o izboru, ne dostavi Agenciji za državnu službu Federacije BiH, validne dokaze (original ili ovjerene kopije) o ispunjavanju opštih uslova iz javnog konkursa, biće brisan sa Liste uspješnih kandidata.

Javni konkurs se provodi u skladu sa Uredbom o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine ("Službene novine Federacije BiH", br. 10/18 – prečišćeni tekst).

Prijavu, sa traženim dokumentima, treba dostaviti u roku od 15 dana od objave javnog konkursa u „Službenim novinama Federacije BiH”, putem pošte, preporučeno na adresu:

Agencija za državnu službu Federacije BiH
Odjeljenje Agencije za Kanton Sarajevo i Bosansko-podrinjski Kanton Goražde
Ul.Kulovića br.7
71000 Sarajevo
sa naznakom:

“Javni konkurs za popunu radnih mjesta državnih službenika u Federalnom ministarstvu pravde”

Nepotpune, neblagovremene i neuredne prijave odnosno prijave kandidata koji uz prijavni obrazac, ne dostavi traženu dokumentaciju kojom dokazuju ispunjavanje uslova iz tačke 2. i 3. ovog konkursa neće biti razmatrane.

V.D. DIREKTOR

Refik Begić, magistar uprave